



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

De Evangelio.

Nutzungsbedingungen

[urn:nbn:de:hbz:466:1-54780](#)

audit, qui vos spernit, me spernit. Benè rumina in corde, quæ aure percipis, & documentum inde pro die toto servitum decerpit, & cogita coram Deo te substitutum male, si sicut deberes, vitam tuam non instituas, qui tales quotidie audis Magistros ut SS. Petrum, Paulum aliosque Apostolos ac Prophetas.

De Evangelio.

Evangelium tantundem sonat ac latum nuntium, & revera ita latum & bonum est, ut melius esse non possit pro vivis ac defunctis, sanis & ægris, divitibus & pauperibus, peccatoribus & justis, captivis liberis, omnibus denique quacunque necessitate pressis. Quibus in Evangelio remedium & medela proponitur. Testatur hoc Salvator ipse hæc Is. 61. verba proferens: *Evangelizare pauperibus misit me, sanare contritos corde, prædicare captivis remissionem, Et cœcis visum, dimittere confractos in remissionem, prædicare annum Domini acceptum, Et diem retributionis.* Nam iis Luc. 4. recitatis subiungit: *Hodie impleta est hæc Scriptura in auribus vestris.* Dum scilicet me prædicantem auditis. Et nos Missam audientes audimus quotidie eundem Deum nobis prædicantem, lætanitia per se denuntiantem, & abscondita à constitutione mundi per se eructantem, qui olim locutus fuerat per ora Prophetarum. Quam ergo felices nos sumus in lege gratiæ præ illis, qui in lege naturæ & scriptæ vixerunt. Hinc collig-

22 Pars tertia

colligere est, quantâ devotione & reverentia,
quâ aviditate & desiderio, quâ cordis puritate
& Sacerdos pronuntiare, & populus audire
sanctum Evangelii textum debeat. Ut hoc nos
Ecclesia doceret, extraordinariâ quâdam præ-
ventione ante utitur, antequam S. Evangelii le-
ctio inchoetur. Memor enim illius Is. 6. qui
verbum à Deo in ore ejus positum prædicare
non audebat, eò quod pollutus labiis ipse esset
& habitatet in medio populi polluta labia habentis,
Ante Evangelium hanc jubet recitari oratio-
nem: *Munda cor meum & labia mea Omnipo-
tens Deus; qui labia Isaiae Propheta calculo mun-
dasti ignito, ita me tuâ gratâ miseratione dignare
mundare, ut sanctum Evangelium tuum dignè
valeam nuntiare.* Quo dicto mox benedictio-
nem accipit Diaconus, & sibi ipsi eam impertit
Sacerdos dicens: *Dominus sit in corde meo & in
labiis meis, ut dignè & competenter annuntiem
Evangelium suum.* Ut jam quoque populus ob-
sanctitatem & puritatem verborum se recolligat
& cogitet, quâm mundum cor & aures ad ea
audienda & recipienda habere debeat, ideo di-
cit Sacerdos *Dominus vobiscum.* Innuens, quod
eum ipse Deus propriis verbis alloquatur, &
verba ejus verba vitæ æternæ sint, & horum
unumquodque in corde asservatum vitam æter-
nam adferat. *Beati oculi,* ait Christus Luc. 10.
qui vident, quæ vos videtis. Dico enim vobis,
quod multi Prophetae & Reges voluerunt videre,
quæ vos videtis, & non viderunt, & audire quæ
auditis, & non audierunt. Nos audimus quo-
tidie

tidie Deum hominem factum , cum hominibus
in terra conversatum , & vitam eos cælestem
edocentem in sacro Missæ ministerio . Nec in-
videndum est iis , qui corporaliter eum vide-
runt , modò ipsa in nobis fides non deficiat ,
Nam Christus ipse B. Thomæ Apostolo olim di-
cebat Joan. 20. *Beati qui non viderunt & credi-*
derunt. Sicut autem in Evangelio , quod in
Missâ legitur , describitur nobis Christus mira-
cula patrans , visum cœcis , surdis auditum dans ,
infirmos sanitati restituens , leprosos mundans ,
Dæmones ex energumenis ejiciens , mortuos
denique ad vitam revocans . Ità reflectere opor-
tet eundem ipsum Dominum , quem in Altari
præsentem habemus , hæc ipsa in sensu morali
in anima nostra efficere . Hoc unicè dolendum ,
quod multi audientes vel etiam celebrantes Sa-
crum se ad Evangelium attentè considerandum
& masticandum non ritè præparent , & eo vel
audio vel lecto aridi omnino & nihilo meliores
è templo abscedant , nec interrogati , quid Chri-
stus in Evangelio tempore Missæ lecto doceat ,
sciant desuper quidquam respondere . Cùm
tamen Apostolus tam serio moneat Hebr. I ,
Abundantiūs oportet observare nos ea , que audi-
vimus , ne forte pereffluamus , sive ne audita ani-
mo excidant . Si enim , qui per Angelos &
Prophetas dictus est sermo , factus est firmus
[pergit l. c. Apostolus] & omnis prævaricatio
& inobedientia accepit justam mercedis retributi-
onem [hoc est , si puniti sunt illi , qui verbis
Angeli aut Prophetæ nomine Dei loquentis
morem

morem non gefferunt] quomodo nos effugiemus
si tantam neglexerimus salutem. Quia cùm ini-
tium accepisset enarrari per Dominum (ore scili-
cet, unigeniti Filii Dei Patris, incarnati) ab iis,
qui audierunt , in nos confirmata est contestante
Deo signis & portentis , & variis virtutibus , &
Spiritus S. distributionibus secundum suam volun-
tatem. Verba sanè accuratâ ponderatione di-
gna , ex quibus colligere possumus , quâ nobis
attentione, diligentia , devotione legendum sit
Evangelium aut audiendum in Missa,

De Credo sive Symbolo Niceno.

VEtula Christiana & puer infans plus scit ex
Symbolo ab Apostolis vel à Nicena Synodo
inspirante Spiritu S. composito , quam veteres
omnes Philosophi subtili ingenio de rerum om-
nium principio assecuti sunt. Nempè humanam
imò & Angelicam transcendunt intelligentiam
contenta in hoc symbolo. Quæ , dum à cele-
brante altâ voce de creatione mundi , incarna-
to, nato, paciente , mortuo pro nobis Christo,
gloriosè in cælos ascende , & dein judicatu-
ro totum humanum genus , hominesque tūm
ad regnum suum æternū in cælos assumptos ,
tūm æternis inferni pœnis addicti recitantur,
Missam audiens attente consideret, iis tanquam
à Deo revelatis firmiter adhæreat , caput & vi-
tam pro fide hac tuenda devoveat , & cùm tam
sollicitè examinet, quam in rem pecuniam suam
cum commido exponere possit , cogitet serio ,
quo-